

**FRAMSELD REGLUGERÐ FRAMKVÆMDASTJÓRNARINNAR
(ESB) 2016/1437****2021/EES/7/05****frá 19. maí 2016****um viðbætur við tilskipun Evrópuþingsins og ráðsins 2004/109/EB að því er varðar tæknilega eftirlitsstaðla um aðgengi að upplýsingum sem reglur kveða á um á vettvangi Sambandsins (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2004/109/EB frá 15. desember 2004 um samþæfingu krafna um gagnsæi í tengslum við upplýsingar um útgefendur verðbréfa sem eru skráð á skipulegan markað og um breytingu á tilskipun 2001/34/EB (1), einkum 22. gr.,

og að teknu tilliti til eftirfarandi:

- 1) Til að tryggja aðgengi að upplýsingum, sem reglur kveða á um, án mismununar og gera þær upplýsingar aðgengilegar endanlegum notendum er Evrópska verðbréfamarkaðseftirlitsstofnunin (ESMA) skuldbundin til þess að þróa og starfrækja evrópska rafræna aðgangsstöð (EEAP). Útfæra ætti evrópsku rafrænu aðgangstöðina sem vefgátt sem er aðgengileg í gegnum vefsetur Evrópsku verðbréfamarkaðseftirlitsstofnunarinnar og í ljósi miðstýringarhlutverks hennar ætti hún ekki að gegna hlutverki miðlægra geymsluckerfa (e. *official appointed mechanisms* (OAMs)) að því er varðar geymslu upplýsinga, sem reglur kveða á um. Evrópska rafræna aðgangstöðin ætti að veita aðgang að upplýsingum, sem reglur kveða á um, sem öll miðlæg geymsluckerfi eru með í geymslu, forðast tvíverknað við geymslu gagna og lágmarka áhættuna fyrir örugg upplýsingaskipti.
- 2) Til að auðvelda leitina að upplýsingum, sem reglur kveða á um, og tryggja skjótan aðgang að þeim upplýsingum, ætti evrópska rafræna aðgangsstöðin að bjóða endanlegum notendum upp á þann möguleika að leita eftir tilvísun í auðkenni útgefanda, heimaaðildarríkið eða tegund upplýsinga, sem reglur kveða á um. Á sama tíma ætti evrópska rafræna aðgangsstöðin að gera endanlegum notendum kleift að fá aðgang að upplýsingunum, sem reglur kveða á um, sem þeir æskja í gegnum tengla á vefsetur miðlægra geymsluckerfa þar sem þær upplýsingar eru geymdar.
- 3) Eðlileg starfsemi evrópsku rafrænu aðgangsstöðvarinnar og tenging hennar við miðlæg geymsluckerfi er háð öryggi, skilvirkni, notagildi og aðlögunarhæfni þeirrar fjarskiptatækni sem notuð er. Evrópska rafræna aðgangsstöðin og miðlægu geymsluckerfin ættu að nota HTTPS-samskiptareglur til að tengjast hverri annari. Í ljósi samfelldrar þróunar í fjarskiptatækni og þörfinni fyrir að tryggja heilindi og öryggi í skiptum á lýsigögnum um upplýsingar sem reglur kveða á um ættu evrópska rafræna aðgangsstöðin og miðlægu geymsluckerfin þó að vinna saman við að tilgreina og innleiða aðra fjarskiptatækni í framtíðinni. Enn fremur, ef Evrópska verðbréfamarkaðseftirlitsstofnunin telur, í samræmi við hlutlæg tæknileg viðmið, að samvinnan sem þörf er á í þeim tilgangi sé óskilvirk, ætti Evrópska verðbréfamarkaðseftirlitsstofnunin að geta vísað á aðra fjarskiptatækni sem evrópska rafræna aðgangsstöðin og miðlægu geymsluckerfin eiga að nota.
- 4) Til að gera leitir yfir landamæri og nákvæmar leitarniðurstöður mögulegar ætti miðlægt geymsluckerfi að nota einkvæmt auðkenni fyrir hvern útgefanda verðbréfa sem tekin eru til viðskipta á skipulegum markaði. Samræming einkvæmu auðkennanna sem miðlægu geymsluckerfin nota ætti að auðvelda endanlegum notendum evrópsku rafrænu aðgangsstöðvarinnar að auðkenna útgefendurna sem endanlegu notendurnir eru að leita eftir upplýsingum um. Enn fremur, í ljósi samþættingar fjármálamarkaða á alþjóðavísu, ættu einkvæmu auðkennin sem miðlægu geymsluckerfin eiga að nota að vera alþjóðlega viðurkennd, hentug til úthlutunar til hvaða útgefanda sem er, samkvæm yfir tíma, hafa

(*) Þessi ESB-gerð birtist í Stjttíð. ESB L 234, 31.8.2016, bls. 1. Hennar var getið í ákvörðun sameiginlegu EES-nefndarinnar nr. 82/2020 frá 12. Júní 2020 um breytingu á IX. viðauka (Fjármálaþjónusta) við EES-samninginn (bíður birtingar).

(1) Stjttíð. ESB L 390, 31.12.2004, bls. 38.

takmörkuð fjárhagsleg áhrif á útgefendur og miðlægu geymslakerfin og taka tillit til framtíðarþróunar á þessu sviði. Þess vegna ættu miðlægu geymslakerfin að nota auðkenni lögaðila sem einkvæmt auðkenni fyrir útgefendur verðbréfa sem tekin eru til viðskipta á skipulegum markaði.

- 5) Nauðsynlegt er að samræma sniðið sem notað er fyrir upplýsingaskipti milli evrópsku rafrænu aðgangsstöðvarinnar og miðlægu geymslakerfanna til að tryggja skilvirka starfsemi evrópsku rafrænu aðgangsstöðvarinnar. Til samræmis við það ætti tilgreiningin á viðeigandi sniði fyrir upplýsingaskipti að taka tillit til einkenna er varða öryggi við skipti og sannreyningu í algengustu stöðluðu sniðunum sem notuð eru á markaðnum. Þar sem evrópska rafræna aðgangsstöðin ætti ekki að taka að sér hlutverk miðlægra geymslakerfa að því er varðar geymslu upplýsinga, sem reglur kveða á um, ætti sniðið fyrir skipti á upplýsingum, sem reglur kveða á um, að ákvarða hvaða lýsigögn um upplýsingar, sem reglur kveða á um, miðlægt geymslakerfi virkjar til að tryggja markvissa leit og skjótan aðgang endanlegra notenda að upplýsingum, sem reglur kveða á um.
- 6) Það að setja fram sameiginlega skrá yfir tegundir upplýsinga, sem reglur kveða á um, ætti að gera fjárfestum kleift að öðlast betri skilning á upplýsingunum frá útgefendum sem falla undir kröfurnar um nákvæmni, heildstæðni og tímanlega miðlun samkvæmt tilskipun 2004/109/EB. Sameiginleg merking og flokkun miðlægu geymslakerfanna á upplýsingum, sem reglur kveða á um, í þágu endanlegra notenda sem leita eftir aðgangi að upplýsingum, sem reglur kveða á um, í gegnum evrópsku rafrænu aðgangsstöðin, ætti að gera endanlegum notendum kleift að miða leitarbeiðnir sínar við þær tegundir upplýsinga sem þeir óska og ætti að leiða til skilvirkni fyrir fjárfesta í ákvörðunartökufæri þeirra.
- 7) Það að endanlegir notendur kalli fram eða hali niður skjölum sem innihalda upplýsingar, sem reglur kveða á um, fellur undir verðlagningarstefnu miðlægu geymslakerfanna í samræmi við landslög hvers aðildarríkis. Miðlægu geymslakerfin ættu þó ekki að krefja evrópsku rafrænu aðgangsstöðina um greiðslu fyrir afhendingu lýsigagna um upplýsingar, sem reglur kveða á um.
- 8) Nauðsynlegt er að veita miðlægu geymslakerfunum og útgefendum nægjanlegan tíma til að innleiða breytingarnar á sviði löggjafar og tækni sem krafist er til að tryggja notkun á auðkennum lögaðila sem einkvæmt auðkenni fyrir útgefendur verðbréfa sem tekin eru til viðskipta á skipulegum markaði. Einnig er nauðsynlegt að veita miðlægu geymslakerfunum og útgefendum nægjanlegan tíma til að innleiða breytingarnar á sviði löggjafar og tækni sem nauðsynlegar eru fyrir geymslu og merkingu upplýsinga í þeim tilgangi að flokka upplýsingar, sem reglur kveða á um.
- 9) Reglugerð þessi byggist á drögum að tæknilegum eftirlitsstöðlum sem Evrópska verðbréfamarkaðseftirlitsstofnunin hefur lagt fyrir framkvæmdastjórnina.
- 10) Evrópska verðbréfamarkaðseftirlitsstofnunin hefur, í samræmi við 10. gr. reglugerðar Evrópuþingsins og ráðsins (ESB) nr. 1095/2010 ⁽¹⁾, haft opið samráð við almenning um drögin að tæknilegu eftirlitsstöðlunum sem þessi reglugerð byggist á, greint mögulegan kostnað og ávinning þar að lútandi og óskað eftir álitu hagsmunahóps á verðbréfamarkaði, sem komið var á fót í samræmi við 37. gr. þeirrar reglugerðar. Á sama tíma hefur Evrópska verðbréfamarkaðseftirlitsstofnunin tekið tillit til tæknilegra krafna um kerfi samtengingar aðal-, fyrirtækja- og félagaskráa sem komið var á með tilskipun Evrópuþingsins og ráðsins 2012/17/ESB ⁽²⁾.

SAMÞYKKT REGLUGERÐ ÞESSA:

1. gr.

Evrópska rafræna aðgangsstöðin

Evrópska verðbréfamarkaðseftirlitsstofnunin skal koma upp vefgátt, evrópsku rafrænu aðgangsstöðinni, fyrir upplýsingar, sem reglur kveða á um, til að gera endanlegum notendum kleift að leita eftir upplýsingum, sem reglur kveða á um, sem miðlæg geymslakerfi eru með í geymslu. Vefgáttin skal vera aðgengileg í gegnum vefsetur Evrópsku verðbréfamarkaðseftirlitsstofnunarinnar.

⁽¹⁾ Reglugerð Evrópuþingsins og ráðsins (ESB) nr. 1095/2010 frá 24. nóvember 2010 um að koma á fót evrópskri eftirlitsstofnun (Evrópska verðbréfamarkaðseftirlitsstofnunin), um breytingu á ákvörðun nr. 716/2009/EB og um niðurfellingu á ákvörðun framkvæmdastjórnarinnar 2009/77/EB (Stjtíð. ESB L 331, 15.12.2010, bls. 84).

⁽²⁾ Tilskipun Evrópuþingsins og ráðsins 2012/17/ESB frá 13. júní 2012 um breytingu á tilskipun ráðsins 89/666/EBE og tilskipunum Evrópuþingsins og ráðsins 2005/56/EB og 2009/101/EB að því er varðar samtengingu aðal-, fyrirtækja- og félagaskráa (Stjtíð. ESB L 156 16.6.2012, bls. 1).

*2. gr.***Fjarskiptatækni, aðgengileiki og stuðningur evrópsku rafrænu aðgangsstöðvarinnar**

1. Tryggja skal öryggi og heilleika lýsigagna um upplýsingar, sem reglur kveða á um, sem miðlæga geymslukerfið og evrópska rafræna aðgangsstöðin skiptast á. Evrópska rafræna aðgangsstöðin og hvert miðlægt geymslukerfi skal nota HTTPS-samskiptareglur til að tengjast hverju öðru.
2. Evrópska verðbréfamarkaðseftirlitsstofnunin skal vinna með miðlægu geymslukerfunum við að tilgreina og innleiða aðra fjarskiptatækni sem nota á í stað HTTPS-samskiptareglna og við að skilgreina útmálinuna fyrir innleiðingu hennar.
3. Ef Evrópska verðbréfamarkaðseftirlitsstofnunin telur, í samræmi við hlutlæg tæknileg viðmið, að samvinnan sem krafist er skv. 2. mgr. gagnist ekki við að tryggja öryggi og heilleika við skipti á lýsigögnum um upplýsingar, sem reglur kveða á um, getur Evrópska verðbréfamarkaðseftirlitsstofnunin tilgreint fjarskiptatækni sem nota á í stað HTTPS-samskiptareglna.
4. Auðvelt skal vera að skala evrópsku rafrænu aðgangsstöðina og aðlaga hana að breytingum í fjölda leitarbeiðna og lýsigagna sem miðlægu geymslukerfin eiga að afhenda.
5. Evrópska rafræna aðgangsstöðin skal vera aðgengileg endanlegum notendum a.m.k. 95% mánaðarins.
6. Kerfi evrópsku rafrænu aðgangsstöðvarinnar skal afritað daglega.
7. Stuðningsþjónusta Evrópsku verðbréfamarkaðseftirlitsstofnunarinnar við endanlega notendur evrópsku rafrænu aðgangsstöðvarinnar og við miðlægu geymslukerfin skal veitt á venjulegum vinnutíma Evrópsku verðbréfamarkaðseftirlitsstofnunarinnar, eins og hann er ákveðinn af framkvæmdastjóra Evrópsku verðbréfamarkaðseftirlitsstofnunarinnar og birtur á vefsetri Evrópsku verðbréfamarkaðseftirlitsstofnunarinnar.

*3. gr.***Leitarskipanir**

1. Evrópska rafræna aðgangsstöðin skal bjóða upp á eftirfarandi leitarforsendur:
 - a) nöfn útgefendanna þáðan sem upplýsingarnar, sem reglur kveða á um, eiga upptök sín,
 - b) einkvæmt auðkenni útgefenda eins og sett er fram í 7. gr.,
 - c) heimaaðildarríki útgefandans eins og skilgreint er í i-lið 1. mgr. 2. gr. tilskipunar 2004/109/EB,
 - d) flokkun upplýsinga, sem reglur kveða á um, eins og sett er fram í 2. mgr. 9. gr.
2. Evrópska rafræna aðgangsstöðin skal gera endanlegum notendum kleift að leita eftir nöfnum útgefenda í öllum tiltækum tungumálaútgáfum af nöfnum útgefendanna sem miðlæg geymslukerfi eru með í geyslu.
3. Evrópska rafræna aðgangsstöðin skal veita leitarniðurstöður í samræmi við leitarforsendurnar sem endanlegur notandi hefur valið. Leitarniðurstöðurnar skulu vera á formi lýsigagnaskrár eins og mælt er fyrir um í þætti A í viðaukanum.

*4. gr.***Veiting aðgangs í gegnum evrópsku rafrænu aðgangsstöðina**

1. Lýsigögnin um upplýsingarnar, sem reglur kveða á um, sem um getur í þætti A í viðaukanum skulu innihalda tengla á sérstaka vefsíðu á vefsetri miðlægra geymslukerfa þar sem endanlegir notendur geta kallað fram og halað niður skjölum sem innihalda upplýsingar sem reglur kveða á um. Þessar vefsíður skulu innihalda tengla á allar tungumálaútgáfur skjalanna sem innihalda upplýsingar, sem reglur kveða á um, eins og þeim hefur verið dreift af útgefendum og miðlæg geymslukerfi eru með í geyslu í samræmi við 1. mgr. 21. gr. tilskipunar 2004/109/EB.

2. Evrópska rafræna aðgangsstöðin skal, að svo miklu leyti sem er framkvæmanlegt, veita aðgang að leitarbúnaði sínum til endanlegra notenda sem nota vefvafra, þ.m.t. vefvafra í farsímataekjum.

5. gr.

Fjarskiptatækni, stuðningur og viðhald miðlægra geymsluckerfa

1. Hvert miðlægt geymsluckerfi skal tryggja að a.m.k. 95% mánaðarins sé tenging þess við evrópsku rafrænu aðgangsstöðina aðgengileg.

2. Hvert miðlægt geymsluckerfi skal, á venjulegum vinnutíma sínum, veita evrópsku rafrænu aðgangsstöðinni stuðningsþjónustu til að viðhalda tengingum þess við evrópsku rafrænu aðgangsstöðina, og til að koma á eðlilegu ástandi eftir bilun. Þessa stuðningsþjónustu skal veita á venjubundnu tungumáli fyrir rafræn fjarskipti.

6. gr.

Veiting aðgangs hjá miðlægum geymsluckerfum

1. Hvert miðlægt geymsluckerfi skal tryggja að evrópska rafræna aðgangsstöðin geti endurheimt lýsigögn um upplýsingar, sem reglur kveða á um.

2. Hvert miðlægt geymsluckerfi skal afhenda evrópsku rafrænu aðgangsstöðinni lýsigögnin um upplýsingar, sem reglur kveða á um, sem þau eru með í geymslu í samræmi við 1. mgr. 21. gr. tilskipunar 2004/109/EB.

3. Lýsigögnin skulu innihalda tengla á vefsíður miðlæga geymsluckerfisins þar sem endanlegir notendur geta kallað fram og halað niður skjölum sem innihalda upplýsingar sem reglur kveða á um. Hvert miðlægt geymsluckerfi skal gera aðgengilegar allar tungumálaútgáfur slíkra skjala sem dreift hefur verið af útgefendum og miðlæg geymsluckerfi eru með í geymslu í samræmi við 1. mgr. 21. gr. tilskipunar 2004/109/EB.

4. Ef einhverju skjali sem inniheldur upplýsingar, sem reglur kveða á um, er breytt, skal hlutaðeigandi miðlægt geymsluckerfi samstundis uppfæra lýsigögnin um það skjal.

5. Miðlægu geymsluckerfin skulu ekki krefja evrópsku rafrænu aðgangsstöðina um greiðslu fyrir afhendingu lýsigagna um upplýsingar, sem reglur kveða á um.

7. gr.

Einkvæmt auðkenni sem miðlæg geymsluckerfi nota

Öll miðlæg geymsluckerfi skulu nota auðkenni lögaðila (LEI) sem einkvæmt auðkenni fyrir alla útgefendur.

8. gr.

Sameiginlegt snið fyrir afhendingu lýsigagna

1. Öll miðlæg geymsluckerfi skulu nota snið sem byggist á XML-ívaðsmáli til að afhenda lýsigögn um upplýsingar, sem reglur kveða á um, til evrópsku rafrænu aðgangsstöðvarinnar.

2. Öll miðlæg geymsluckerfi skulu afhenda lýsigögn um upplýsingar, sem reglur kveða á um, til evrópsku rafrænu aðgangsstöðvarinnar á því sniði sem mælt er fyrir um í þætti A í viðaukanum.

9. gr.

Sameiginleg skrá og flokkun upplýsinga sem reglur kveða á um

1. Sameiginlega skráin yfir tegundir upplýsinga, sem reglur kveða á um, skal innihalda eftirfarandi upplýsingar:
 - a) árleg reikningsskil og endurskoðunarskýrslur, sem innihalda allar upplýsingar sem krafist er að birtar séu skv. 4. gr. tilskipunar 2004/109/EB,
 - b) hálfársreikningsskil og endurskoðunarskýrslur eða takmarkaðar endurskoðanir, þ.m.t. allar upplýsingar sem krafist er að birtar séu skv. 5. gr. tilskipunar 2004/109/EB,
 - c) greiðslur til stjórnvalda, sem innihalda allar upplýsingar sem krafist er að birtar séu skv. 6. gr. tilskipunar 2004/109/EB,
 - d) val á heimaaðildarríki, sem inniheldur upplýsingarnar sem krafist er að birtar séu skv. i-lið 1. mgr. 2. gr. tilskipunar 2004/109/EB,
 - e) innherjaupplýsingar sem krafist er að birtar séu skv. 6. gr. tilskipunar Evrópuþingsins og ráðsins 2003/6/EB ⁽¹⁾,
 - f) tilkynningar sem varða atkvæðisrétt, sem innihalda allar upplýsingar sem krafist er að birtar séu skv. 12. gr. tilskipunar 2004/109/EB,
 - g) kaup eða sölu á eigin hlutabréfum útgefandans, sem innihalda allar upplýsingar sem krafist er að birtar séu skv. 14. gr. tilskipunar 2004/109/EB,
 - h) heildarmagn atkvæðisréttar og hlutafjár, sem innihalda allar upplýsingar sem krafist er að birtar séu skv. 15. gr. tilskipunar 2004/109/EB,
 - i) breytingar á réttindum tengdum flokkum hlutabréfa eða verðbréfa, sem innihalda allar upplýsingar sem krafist er að birtar séu skv. 16. gr. tilskipunar 2004/109/EB,
 - j) allar upplýsingar sem ekki falla undir a- til i-liðar, en sem útgefandinn, eða sérhver annar einstaklingur sem hefur sótt um að verðbréf verði tekin til viðskipta á skipulegum markaði án samþykkis útgefandans, á að birta samkvæmt lögum og stjórnislyfyrirmælum aðildarríkis sem samþykkt hafa verið skv. 1. mgr. 3. gr. tilskipunar 2004/109/EB.
2. Öll miðlæg geymslukurfi skulu flokka allar upplýsingar, sem reglur kveða á um, í samræmi við þátt B í viðaukanum.

10. gr.

Gildistaka og framkvæmd

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Þó skulu ákvæði 7. og 9. gr. koma til framkvæmda frá og með 1. janúar 2017.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 19. maí 2016.

Fyrir hönd framkvæmdastjórnarinnar,

Jean-Claude JUNCKER

forseti.

⁽¹⁾ Tilskipun Evrópuþingsins og ráðsins 2003/6/EB frá 28. janúar 2003 um innherjasvik og markaðsmisnotkun (markaðssvik) (Stjttð. ESB L 96, 12.4.2003, bls. 16).

VIÐAUKI

ÞÁTTUR A

Upplýsingaskipti — Snið lýsigagnanna sem afhenda á

Lýsigagnareitur	Einkenni lýsigagnareits
Nafn útgefanda (á öllum tungumálum sem útgefandinn notar)	Reitur fyrir frjálsan texta í alstafakóða, UTF-8 kóðun
Heimaaðildarríki útgefanda	Tveggja stafa landskóði, ISO 3166-1
Einkvæmt auðkenni	LEI-kóði, ISO 17442:2012, reitur fyrir alstafakóða, 20 stafir
Tegund upplýsinga, sem reglur kveða á um	Flokkunarkerfi í samræmi við sameiginlegu skrána yfir upplýsingar, sem reglur kveða á um, eins og sett er fram í þætti B í þessum viðauka
Veffang (URL)	Alstafakóðareitur. Tengillinn verður að gefa aðgang að öllum skjölum sem innihalda upplýsingar, sem reglur kveða á um, í samræmi við 1. mgr. 4. gr., samkvæmt leitarforsendum.

ÞÁTTUR B

Flokkar og undirflokkar upplýsinga, sem reglur kveða á um

Flokkur upplýsinga, sem reglur kveða á um	Lagagrundvöllur
<i>1. Reglubundnar upplýsingar, sem reglur kveða á um</i>	
1.1. Árleg reikningsskil og endurskoðunarskýrslur	allar upplýsingar sem birtar eru skv. 4. gr. tilskipunar 2004/109/EB
1.2. Hálfársreikningsskil og endurskoðunarskýrslur/takmarkaðar endurskoðanir	allar upplýsingar sem birtar eru skv. 5. gr. tilskipunar 2004/109/EB
1.3. Greiðslur til stjórnvalda	allar upplýsingar sem birtar eru skv. 6. gr. tilskipunar 2004/109/EB
<i>2. Yfirstandandi upplýsingar, sem reglur kveða á um</i>	
2.1. Heimaaðildarríki	allar upplýsingar sem birtar eru skv. i-lið 1. mgr. 2. gr. tilskipunar 2004/109/EB
2.2. Innherjaupplýsingar	allar upplýsingar sem birtar eru skv. 6. gr. tilskipunar 2003/6/EB
2.3. Tilkynningar um stóra hlutafjäreign	allar upplýsingar sem birtar eru skv. 12. gr. tilskipunar 2004/109/EB,
2.4. Kaup og sala á eigin hlutabréfum útgefandans	allar upplýsingar sem birtar eru skv. 14. gr. tilskipunar 2004/109/EB
2.5. Heildarmagn atkvæðisréttar og hlutafjár	allar upplýsingar sem birtar eru skv. 15. gr. tilskipunar 2004/109/EB
2.6. Breytingar á réttindum tengdar flokkum hlutabréfa eða verðbréfa	allar upplýsingar sem birtar eru skv. 16. gr. tilskipunar 2004/109/EB

Flokkun upplýsinga, sem reglur kveða á um	Lagagrundvöllur
<i>3. Viðbótarupplýsingar, sem reglur kveða á um, sem krafist er að birtar séu samkvæmt lögum aðildarríkis</i>	
3.1. Viðbótarupplýsingar, sem reglur kveða á um, sem krafist er að birtar séu samkvæmt lögum aðildarríkis	allar upplýsingar sem ekki falla innan undirflokka sem settir eru fram í liðum 1.1, 1.2 og 1.3 og í liðum 2.1 til 2.6, en sem útgefandinn, eða einhver annar einstaklingur sem hefur sótt um að verðbréf verði tekin til viðskipta á skipulegum markaði án samþykkis útgefandans, hefur birt í samræmi við kröfu samkvæmt lögum, reglugerðum eða stjórnsluákvæðum aðildarríkis sem samþykkt voru skv. 1. mgr. 3. gr. tilskipunar 2004/109/EB